

KERATAN AKHBAR-AKHBAR TEMPATAN
TARIKH: 26 OGOS 2016 (JUMAAT)

Bil	Tajuk	Akhbar
1.	Gempa bumi 4.0 gegar Ranau pagi tadi	Berita Harian Online
2.	Cemas lihat awan hitam bergulung	Kosmo
3.	Garis badai 'serang' Perak	Utusan Online
4.	'Rolling waves' clouds fascinate Teluk Intan residents	New Straits Times Online

Gempa bumi 4.0 gegar Ranau pagi tadi


Oleh Mohd Izham Unnip Abdullah
thadius@bh.com.my
Jumaat, 26 Ogos 2016 @ 10:21 AM



Malaysian Meteorological Department

5 mins · 🌐

Gempa Bumi Lemah 9.39am 26/08/16, 6.05U 116.59T
Mag4.0 Kdlmn10km, 16km Barat Laut Ranau, Sabah.
Gegaran dirasai sekitar Ranau, Sabah. MetMalaysia.



KOTA KINABALU: Gempa bumi lemah dengan magnitud 4.0 pada skala Richter menggegarkan Ranau jam 9.39 pagi tadi.

Berdasarkan maklumat dikeluarkan [Jabatan Meteorologi Malaysia](#), gempa bumi itu dikesan pada kedudukan 6.05 darjah utara, 116.59 darjah timur, 16 kilometer (km) di barat Ranau dengan kedalaman 10 km.

Gegaran akibat gempa bumi itu dirasakan penduduk di sekitar Ranau. Ia adalah gempa susulan paling tinggi setakat ini daripada 140 gegaran susulan melanda Ranau selepas gempa bumi sederhana bermagnitud 5.9 pada 5 Jun tahun lalu.

Gegaran turut dirasakan di Tuaran, Penampang dan Kota Kinabalu.

Selanjutnya di : <http://www.bharian.com.my/node/186834>

Penduduk Langkap gempar lihat fenomena garis badai

Cemas lihat awan hitam bergulung

Oleh AINSAFRE BIDIN

PASIR SALAK - Penduduk sekitar Langkap di sini dikejutkan dengan fenomena pembentukan awan luar biasa sehingga membimbangkan mereka yang rata-ratanya sedang bersiap untuk keluar bekerja dan sekolah semalam.

Fenomena awan yang dikenali sebagai garis badai itu dikesan berlaku sekitar pukul 7 pagi sebelum diikuti dengan tiupan angin kuat dan hujan.

Seorang penduduk, Rashimah Mohd. Syed, 50, berkata, ketika itu dia sedang berada di luar untuk membeli barangan dapur sebelum terlihat kejadian tersebut.

"Waktu itu kira-kira pukul 7.45 pagi. Tiba-tiba badan saya rasa sejuk dan serentak dengan itu angin

bertiup dengan begitu kuat.

"Saya pandang ke langit dan ter-nampak kumpulan awan hitam yang sungguh luar biasa," katanya ketika ditemui di sini semalam.

Ceritanya lagi, pada waktu itu orang ramai yang turut melihat kejadian tersebut masing-masing panik dan hanya mendinginkan diri.

Katanya, kejadian awan yang membentuk seolah-olah seperti ombak itu merupakan yang pertama kali berlaku di daerah berkenan sejak dia tinggal di situ lebih 10 tahun lalu.

Dalam pada itu, seorang lagi penduduk, Roszita Paharuddin, 40, turut meluahkan rasa yang sama apabila melihat awan yang menyerupai gelombang ombak tersebut.

"Sukar untuk menggambarkan perasaan ketika melihat kejadian

awan itu sehingga membuatkan saya terpaku seketika.

"Selepas itu, angin bertiup dengan kuat dan hujan turun sebelum bentuk awan kembali seperti sedia kala," katanya.

Dalam pada itu, jurucakap Jabatan Meteorologi negeri Perak ketika dihubungi memberitahu, fenomena itu lazimnya dikenali sebagai garis badai.

Katanya, ia pernah berlaku sebelum ini di Sabah dan Kelantan.

"Ia adalah satu proses pembentukan awan biasa yang membawa hujan. Bentuknya sedemikian disebabkan tiupan angin yang amat pantas.

"Lazimnya keadaan awan itu boleh statik sehingga beberapa jam bergantung kepada faktor angin. Ia adalah situasi biasa dan tiada apa yang perlu dibimbangkan," katanya.



BEBERAPA murid sekolah melihat pemandangan awan hitam akibat fenomena garis badai di Pasir Salak semalam.

BERITA ONLINE
UTUSAN ONLINE
TARIKH: 26 OGOS 2016 (JUMAAT)



Garis badai 'serang' Perak

SAYED HESHAM IDRIS | 25 Ogos 2016 7:18 PM



Penduduk di sekitar Langkap dekat sini dikejutkan dengan fenomena pembentukan awan luar biasa seperti ombak pagi tadi. - UTUSAN

PASIR SALAK 25 Ogos – Penduduk di sekitar Langkap dekat sini dikejutkan dengan fenomena pembentukan awan luar biasa seperti ombak pagi tadi.

Fenomena yang dikenali garis badai itu berlaku kira-kira pukul 7 pagi selama antara 5 hingga 10 minit diikuti angin kuat dan hujan sebelum bentuk awan kembali seperti sedia kala.

Seorang penduduk, Rashimah Mohd. Syed, 50, berkata, ketika itu dia berada di luar rumah untuk membeli barangan dapur dan terlihat bentuk awan yang luar biasa.

Katanya, kejadian pada kira-kira pukul 7.45 pagi itu menyebabkan badannya rasa sejuk akibat angin bertiup kuat.

